

*Bosna i Hercegovina*  
*Federacija Bosne i Hercegovine*  
**ZENIČKO-DOBOJSKI KANTON**  
OPĆINA MAGLAJ  
OPĆINSKO VIJEĆE



*Bosnia and Herzegovina*  
*Federation of Bosnia and Herzegovina*  
**ZENICA – DOBOJ CANTON**  
MAGLAJ MUNICIPALITY  
MUNICIPAL COUNCIL

Broj: 02-05-1-504 /'18  
Maglaj, 02.03.2018.godine

Na temelju člana 2.12. stav 5. Izbornog zakona Bosne i Hercegovine («Službeni glasnik BiH», broj : 25/02, 4/04, 20/04, 25/05, 52/05, 11/06, 24/06 i 32/07, 33/08 i 37/08), Uputstva o utvrđivanju kvalifikacija, broja i imenovanju članova Općinskog izborne komisije, Izborne komisije Grada Banja Luke, Izborne komisije Grada Mostara i Izborne komisije Brčko Distrihta , broj: 01-02-2-458/10 od 21.1.2010.godine i Uputstva o izmjenama i dopunama Uputstva o uvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini, („Službene novine BiH“, broj: 10/18), Odluke Općinskog vijeća Maglaj broj: 02-05-1-502/'18 od 27.02.2018.godine, Općinsko vijeće Maglaj na sjednici održanoj dana 27.02.2018.godine, raspisuje

## **J A V N I O G L A S**

### **za izbor i imenovanje tri člana Općinske izborne komisije Maglaj**

#### **I - Upraznjena pozicija:**

Raspisuje se Javni oglas za izbor i imenovanje tri člana Općinske izborne komisije Maglaj. Sastav Općinske izborne komisije treba biti multietičan, tako da odražava zastupljenat konstitutivnih naroda, uključujući i ostale u izornoj jedinici za koju se organ nadležan za sprovođenje izbora osniva, vodeći računa o posljednjem popisu stanovništva na državnom nivou. Sastav Općinske izborne komisije treba, u pravilu, održavati ravnopravnu zastupljenost polova.

#### **II - Opis poslova:**

Nadležnost Opštinske izborne komisije regulisana je odredbama člana 2.13. Izbornog zakona Bosne i Hercegovine i odgovarajućim podzakonskim propisima.

#### **III – Sukob interesa:**

Kandidat ne može biti lice: - koje se ne može kandidovati u smislu odredbi člana 1.6, 1.7 i 1.7a Izbornog zakona Bosne i Hercegovine, - koje je član najvišeg izvršno-političkog organa političke stranke ili koalicije, - koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4. Izbornog zakona BiH; - koja je izborni kandidat za bilo koji nivo vlasti; - kojem je izrečena kazna za radnju koja predstavlja težu povredu izbornih propisa ili propisa za koju je lično odgovorno, u posljednje četiri godine, računajući od dana pravosnažnosti odluke.

#### **IV – Opći uslovi koje kandidati moraju ispunjavati:**

1. Da su državljani Federacije Bosne i Hercegovine;
2. Da su stariji od 18 godina;
3. Da imaju opštu zdravstvenu sposobnost;
4. Da nisu osuđivani za krivična djela na bezuslovnu kaznu zatvora najmanje šest mjeseci ili za krivično djelo koje ih čini nepodobnim za obavljanje poslova člana Općinske izborne komisije;
5. Da se protiv njih ne vodi krivični postupak;
6. Da nisu otpušteni iz državne službe na bilo kojem nivou BiH kao rezultat disciplinske mjere na bilo kojem nivou vlasti u periodu od tri godine prije dana objavljivanja Javnog oglasa, i

## VII – Potrebna dokumentacija:

Uz prijavu na Javni oglas kandidati su dužni dostaviti dokaze o ispunjavanju općih i posebnih uslova:

1. kraću biografiju;
2. ovjerenu diplomu o stečenoj stručnoj spremi kandidata;
3. dokaz o posjedovanju iskustva kandidata u provođenju izbora;
4. uvjerenje o prebivalištu izdato od nadležnog organa, ne starije od tri mjeseca;
5. svojeručno potpisanu i od nadležnog organa ovjerenu izjavu o nepostojanju smetnji iz tačke V Javnog oglasa (član 2.3 Izbornog zakona Bosne i Hercegovine);
6. izjavu o nacionalnom izjašnjenju kandidata sa posljednjeg popisa stanovništva u Bosni i Hercegovini, svojeručno potpisanu i ovjerenu od nadležnog organa;
7. svojeručno potpisanu i od nadležnog organa ovjerenu izjavu o nepostojanju smetnji iz član 2.12 stav (7) Izbornog zakona Bosne i Hercegovine, odnosno da osoba koja je kandidat za člana Općinske izborne komisije Maglaj nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže.

NAPOMENA: Ovaj Javni oglas ostaje otvoren 8 dana od dana objavljivanja u dnevnim novinama.

Po zatvaranju Javnog oglasa Konkursna komisija će izvršiti klasifikaciju kandidata na one koje ispunjavaju uslove tražene javnim oglasom i na one koji ne ispunjavaju uslove, uz obrazloženje. Sa kandidatima koji ispunjavaju uslove Javnog oglasa Konkursna komisija će obaviti intervju, izvršiti bodovanje i sačiniti rang-listu sa redoslijedom kandidata prema uspjehu (ukupnom broju bodova), postignutom na intervjuu i listu dostaviti Općinskom vijeću Maglaj na odlučivanje, u skladu sa članom (5) Izbornog zakona Bosne i Hercegovine.

Nepotpune i neblagovremene prijave neće biti uzete u razmatranje.

Prijave na Javni oglas dostaviti u zatvorenim kovertama sa naznakom **«Javni oglas za imenovanje tri člana Općinske izborne komisije Maglaj– ne otvaraj» na sljedeću adresu:**


Komisija za izbor i imenovanja Općinskog vijeća Maglaj  
Viteška br. 2  
74250 Maglaj.

## VIII Mjesto objave Javnog oglasa

Javni oglas će biti objavljen: u „Dnevnom avazu“, na web stranici Općine Maglaj [www.maglaj.ba](http://www.maglaj.ba), RTV Maglaj i na Oglasnoj ploči Općine Maglaj.

PREDSJEDAVAJUĆA

Svjetlana Zamboni



*Bosna i Hercegovina*  
*Federacija Bosne i Hercegovine*  
**ZENIČKO-DOBOJSKI KANTON**  
**OPĆINA MAGLAJ**  
**OPĆINSKO VIJEĆE**



*Bosnia and Herzegovina*  
*Federation of Bosnia and Herzegovina*  
**ZENICA – DOBOJ CANTON**  
**MAGLAJ MUNICIPALITY**  
**MUNICIPALITY COUNCIL**

Komisija za izbor i imenovanja

## Z A P I S N I K

sa sastanka Komisije za izbor i imenovanja održanog dana 30.04.2018.godine  
u 14,00 sati u zagradi Općine Maglaj u sali kabineta Općinskog načelnika

**PRISUTNI:** Mirza Bradarić- predsjednik Komisije,  
Muhamed Hrnjić, član i  
Fikret Delić , član.

Zapisničar, Mirsada Skejić

**ODSUTNI:** Mustafa Buljubašić i Josip Jurišić, članovi Komisije.

Prije početka rada Komisije, predsjednik Komisije Mirza Bradarić upoznaje prisutne da mu je Josip Jurišić mobilnim telefonom poslao poruku da nije u mogućnosti prisustvovati današnjem sastanku, te da mu Mirza dostavi rang listu prijavljenih kandidata.

### **Dnevni red:**

1. Razmatranje i analiza prijave pristiglih na Javni oglas za imenovanje tri člana Općinske izborne komisije Maglaj.

Predsjednik Komisije Mirza Bradarić dao je kratki uvod u današnji sastanak, tj. da je javni oglas za imenovanje tri člana Općinske izborne komisije Maglaj zatvoren u subotu 28.04.2018.godine i da je zadatak ove Komisije da otvori prijave i konstatuje da li su kandidati prijave dostavili u roku i da li je dokumentacija kompletna. Nadalje je kazao da se neće praviti rang lista kandidata već se sa kandidatima mora obaviti intervju i da se postupak imenovanja OIK Maglaj mora okončati do 07.05.2018.godine jer je to naloženo od strane Centralne izborne komisije Bosne i Hercegovine.

Nakon toga pristupilo se otvaranju pristiglih prijava po datumu zaprimanja na pisarnici Općine Maglaj, kako slijedi:

**1. ARMIN BAŠIĆ** iz Kopica, Maglaj. Prijava zaprimljena dana 23.04.2018.godine.

Uz prijavu dostavio slijedeću dokumentaciju:

- Biografija (CV),
- Diploma o završenom Pravnom fakultetu u Zenici, dipl.pravnik a kako je naveo u CV 2017.godine je stekao zvanje magistar prava,
- CIPS potvrda o prebivalištu,
- ovjerena Izjava da ne postoje smetnje, a koje su predviđene članom 2.3. Izbornog zakona Bosne i Hercegovine,
- ovjerena Izjava da ne postoje smetnje predviđene članom 2.12. Izbornog zakona Bosne i Hercegovine i

- Ovjerena Izjava kojom izjavljuje da je po nacionalnom izjašnjenju Bošnjak,
- uz prijavu nije dostavio uvjerenje o iskustvu u provođenju izbora, međutim obzirom da je po zanimanju magistar prava prema članu 2. stav 3. Uputstva Centralne izborne komisije Bosne i Hercegovine o utvrđivanju kvalifikacija, broja, imenovanju i razrješenju i obuci članova izborne Komisije osnovne izborne jedinice u Bosni i Hercegovini može biti član izborne komisije bez izbornog iskustva.

Komisija konstatuje da je dokumentacija koju je dostavio kandidat Armin Bašić KOMPLETNA.

**2. MARIO NINKOVIĆ**, Aleja Ljiljana T-3/17 Maglaj. Prijava zaprimljena dana 26.04.2018.godine.

Uz prijavu dostavio slijedeću dokumentaciju:

- Biografiju, CV,
- Diploma o završenom Fakultetu sporta i tjelesnog odgoja i stručnom zvanju Baklaureat/ Bachelor sporta i tjelesnog odgoja,
- CIPS potvrda o prebivalištu,
- ovjerena Izjava da ne postoje smetnje, a koje su predviđene članom 2.3. Izbornog zakona Bosne i Hercegovine,
- ovjerena Izjava da ne postoje smetnje, a koje su predviđene članom 2.12. Izbornog zakona Bosne i Hercegovine,
- ovjerena Izjava da se na posljednjem popisu stanovništva u Bosni i Hercegovini izjasnio kao Srbin,
- potvrda izdata od Centralne izborne komisije Bosne i Hercegovine da je bio angažovan po osnovu ugovora o djelu u Glavnom izbornom centru za brojanje Centralne izborne komisije Bosne i Hercegovine.

Komisija konstatuje da je dokumentacija koju je priložio kandidat Mario Ninković KOMPLETNA.

**3. JOSIP MAGLICA**, Novi Šeher bb, Maglaj. Prijava zaprimljena dana 27.04.2018. godine.

Uz prijavu dostavio slijedeću dokumentaciju:

- CV,
- Diploma o završenom Šumarskom fakultetu u Sarajevu i stručnom zvanju Bakalaureat/ Bachelor šumarstva,
- CIPS potvrda o prebivalištu,
- Uvjerenje kojim se potvrđuje da je prilikom provođenja Lokalnih izbora u Bosni i Hercegovini u 2016.godini učestvovao u radu Biračkog odbora u Novom Šeheru gdje je vršio funkciju predsjednika Biračkog odbora i u provođenju Općih izbora u Bosni i Hercegovini 2014.godine učestvovao u radu Biračkog odbora Novi Šeher gdje je vršio funkciju zamjenika predsjednika Biračkog odbora,
- ovjerena Izjava da ne postoje smetnje, a koje su predviđene članom 2.3. Izbornog zakona Bosne i Hercegovine,
- ovjerena Izjava da ne postoje smetnje, a koje su predviđene članom 2.12. Izbornog zakona Bosne i Hercegovine,
- ovjerena Izjava da se na posljednjem popisu stanovništva u Bosni i Hercegovini izjasnio kao Hrvat,
- Ovjerena kopija Certifikata o uspješno završenoj edukaciji za predsjednika i zamjenika predsjednika biračkog odbora izdatog od strane CIK BiH.

Konstatuje se da je dokumentacija koju je priložio kandidat Josip Maglica KOMPLETNA.

**4. MARTINA SIČANICA**, A.Mahmutagića 5/2, Maglaj. Prijava zaprimljena dana 27. 04. 2018. godine.

Uz prijavu dostavila slijedeću dokumentaciju:

- CV,
- Diploma o zvršenom Ekonomskom fakultetu u Sarajevu i stručnom zvanju Bakalaureat/Bachelor menadžmenta,
- CIPS potvrda o prebivalištu,
- Uvjerenje kojim se potvrđuje da je prilikom provođenja Lokalnih izbora u Bosni i Hercegovini u 2016.godini učestvovala u radu Biračkog odbora Strupina, gdje je vršila funkciju predsjednika Biračkog odbora i Općih izbora u Bosni i Hercegovini 2014.godine učestvovala u radu Biračkog odbora Novi Šeher gdje je vršila funkciju predsjednika Biračkog odbora,
- ovjerena Izjava da ne postoje smetnje, a koje su predviđene članom 2.3. Izbornog zakona Bosne i Hercegovine,
- ovjerena Izjava da u ne postoje smetnje, a koje su predviđene članom 2. 12. Izbornog zakona Bosne i Hercegovine,
- ovjerena Izjava da se na posljednjem popisu stanovništva u Bosni i Hercegovini izjasnila kao Hrvatica,

Konstatuje se da je dokumentacija Martine Sičanica KOMPLETNA.

**5. TEA ZAMBONI**, A. Mahmutagića N7 I/2, Maglaj. Prijava zaprimljena dana 27.04.2018.godine.

Uz prijavu dostavila slijedeću dokumentaciju:

- CV,
- Diploma o zvršenom Američkom univerzitetu u Bosni i Hercegovini i stečenom akademskom zvanju Bachelor prava, usmjerenje komparativno i međunarodno pravo,
- Uvjerenje kojim se potvrđuje da je prilikom provođenja Lokalnih izbora u Bosni i Hercegovini 2016.godine učestvovala u radu Biračkog odbora 042A003B Maglaj 3, gdje je vršila funkciju zamjenika predsjednika Biračkog odbora,
- ovjerena Izjava da ne postoje smetnje, a koje su predviđene članom 2.3. Izbornog zakona Bosne i Hercegovine,
- ovjerena Izjava da ne postoje smetnje, a koje su predviđene članom 2.3. Izbornog zakona Bosne i Hercegovine,
- ovjerena Izjava da se na posljednjem popisu stanovništva u Bosni i Hercegovini izjasnila kao Hrvatica,


Komisija konstatuje da je dokumentacija koju je dostavila Tea Zamboni KOMPLETNA.

Nakon analize pristiglih prijava komisija konstatuje da su prijave svih kandidata blagovremene, da je dokumentacija kompletna i da svi prijavljeni kandidati ispunjavaju uslove Javnog oglasa za imenovanje tri člana izborne komisije, te shodno tome će se prijavljenim kandidatima zakazati intervju za dan 04.05.2018.godine (petak), po slijedećem redoslijedu:

- Armin Bašić, Mario Ninković i Josip Maglica u 14,00 sati i
- Martina Sičanica i Tea Zamboni u 14,30 sati.

Sastanak završen u 14,50 sati.

Zapisničar  
Mirsada Skejić



Predsjednik Komisije  
Mirza Bradarić



## **ZAPISNIK O OBAVLJENOM INTERVJUJU ZA PREDsjedNIKA I ČLANOVE OPĆINSKE IZBORNE KOMISIJE**

Komisija za izbor i imenovanje održala je intervju za kandidate koji ispunjavaju uslove u petak, 04.05.2018. godine sa početkom u 14,00 sati. Prethodno su svi kandidati obaviješteni o satnici po kojoj su i pristupili istom.

Intervju je okončan u 15,00 sati.

Komisija je za kandidate pripremila set od 10 pitanja koja su preuzeta iz Izbornog zakona BiH a koja se tiču nadležnosti OIK-a i provođenja izbornih procedura. (set pitanja u prilogu ovog Zapisnika).

Cilj intervjuja je utvrđivanje personalnih karakteristika i iskazanih sposobnosti kandidata za obavljanje poslova kao što su fleksibilnost, motiviranost, entuzijazam, predznanje o nadležnostima OIK-a, poznavanje zakonom propisanih procedura za provođenje izbora, relevantno radno iskustvo, iskustvo u provođenju izbora, analitičke sposobnosti, vještine komunikacije i potencijalni razvoj.

### **BAŠIĆ ARMIN, diplomirani pravnik**

Kandidatu su postavljena pitanja pod rednim brojem 1.,2.,3.

Na osnovu ponuđenih odgovora Komisija je konstatovala da kandidat u potpunosti poznaje zakonom propisane procedure za provođenje izbora i jasno definiše nadležnosti OIK-a.

NAPOMENA: Jedini kandidat iz reda bošnjačkog naroda.

### **SIČANICA MARTINA, dipl. ekonomista**

Kandidatu su postavljena pitanja pod rednim brojem 1.,2.,8.

Na osnovu ponuđenih odgovora Komisija je konstatovala da kandidat u potpunosti poznaje zakonom propisane procedure za provođenje izbora kao i nadležnosti OIK-a.

### **ZAMBONI TEA, dipl. pravnik**

Kandidatu su postavljena pitanja pod rednim brojem 1.,2.,10.

Na osnovu ponuđenih odgovora Komisija je konstatovala da kandidat u potpunosti poznaje zakonom propisane procedure za provođenje izbora i jasno definiše nadležnosti OIK-a.

### **NINKOVIĆ MARIO, prof. sporta i tjelesnog odgoja**

Kandidatu su postavljena pitanja pod rednim brojem 1.,2.,6.

Na osnovu ponuđenih odgovora Komisija je konstatovala da kandidat u potpunosti poznaje zakonom propisane procedure za provođenje izbora i jasno definiše nadležnosti OIK-a.

NAPOMENA: Jedini kandidat iz reda srpskog naroda.

## MAGLICA JOSIP – NIJE PRISTUPIO INTERVJU

U skladu sa članom 2.14 stav (1), (2) i (3) Izbornog zakona BiH koji definiše sastav OIK-a decidno je definisano:

(1), „Sastav izborne komisije treba biti multietničan, tako da odražava zastupljenost konstitutivnih naroda, uključujući i ostale, u izornoj jedinici za koju se organ nadležan za provođenje izbora osniva, vodeći računa o posljednjem popisu stanovništva sprovedenom na državnom nivou.“

(2) „Ako sastav izborne komisije ne bude u skladu sa stavom (1) ovog člana, CIK BiH poništiti će imenovanje članova i o tome izvijestiti organ nadležan za imenovanje. Organ nadležan za imenovanje će u roku od 15 dana od dana donošenja odluke CIK BiH izvršiti ponovno imenovanje organa, u skladu sa kriterijem iz stava (1) ovog člana“.


Uzimajući u obzir sve navedeno, dosadašnju praksu u formiranju OIK-a a posebno cijeneći nacionalnu pripadnost ali i struku kandidata Komisija za izbor i imenovanje predlaže Općinskom vijeću Maglaj sljedeću rang listu kandidata:

1. Armin Bašić, diplomirani pravnik
2. Tea Zamboni, diplomirani pravnik
3. Mario Ninković, profesor sporta i tjelesnog odgoja
4. Martina Sičanica, diplomirani ekonomista

U sastav OIK-a predlažemo kandidate od 1-3.

PREDSJEDNIK KOMISIJE

Mirza Bradarić



Bosna i Hercegovina  
Federacija Bosne i Hercegovine  
Općina Maglaj  
Komisija za izbor i imenovanje

04.05.2018.

Predmet :

## Pitanja za intervju za izbor članova OIK-a

1. **Kratka biografija**
2. **Da li smatrate da cete obavete prema OIK-u moci obavljati nesmetano bez obzira na vas stalni posao ? ( ukoliko je kandidat u stalnom radnom odnosu )**

3. **Koje su duznosti OIK-a ?**

Općinska izborna komisija:

1. nadgleda i kontroliše rad Centra za birački spisak iz člana 3.8 ovog Zakona;
2. određuje biračka mjesta na području općine za glasanje na svim nivoima vlasti u Bosni i Hercegovini;
3. provodi postupak imenovanja, imenuje i obučava članove biračkog odbora;
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini;

5. obavještava birače o svim informacijama neophodnim za provedbu izbora, u skladu sa propisima

Centralne izborne komisije BiH;

6. odgovorna je za uređenje biračkog mjesta i druge tehničke pripreme za izbore;
7. odgovorna je za pravilno brojanje glasačkih listića na biračkim mjestima i u općinskim centrima za brojanje;

8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izornoj komisiji BiH i

9. obavlja druge poslove u skladu sa zakonom i propisima Centralne izborne komisije BiH.

4. **Koji su to opravdani razlozi odsustva u OIK-u ?**

Član 2.16

(3) Kao opravdani razlozi odsustva iz stava (2) ovog člana podrazumjevaju se bolest, školovanje, stručno usavršavanje kao i drugi razlozi koje cijeni organ nadležan za imenovanje općinske izborne komisije.



**5. Ko i kada imenuje predsjednika i članove biračkog odbora kao i njihove zamjenike ?**

Član 2.19

(3) Predsjednika i članove biračkog odbora kao i njihove zamjenike imenuje općinska izborna komisija najkasnije u roku od 30 dana prije dana održavanja izbora.

**6. Sta znaci pojam *PREBIVALISTE* ?**

Član 3.12

(1) Prebivalište je općina u kojoj se državljanin nastanio sa namjerom da tu stalno živi i gdje je prijava prebivališta izvršena u skladu sa Zakonom o prebivalištu i boravištu državljana BiH.

**7. Ko i kada odredjuje biracka mjesta ?**

Član 5.1

(2) Biračka mjesta određuje općinska izborna komisija najkasnije 65 dana prije dana izbora. Općinska izborna komisija, neposredno nakon određivanja biračkih mjesta, podnosi spisak lokacija biračkih mjesta Centralnoj izornoj komisiji BiH. Centralna izborna komisija BiH može promijeniti lokaciju biračkog mjesta ako utvrdi da nije pogodna za glasanje.

**8. Gdje se ne moze odraditi biracko mjesto ?**

Član 5.1

(3) Biračko mjesto ne može se nalaziti u vjerskom objektu, zgradi organa vlasti, zgradi koja je vlasništvo političke stranke ili u kojoj je sjedište političke stranke, zgradi koja je korištena kao mjesto za mučenja ili zlostavljanja, ili mjestu gdje se služi ili konzumira alkohol.

**9. Ko i kada birackom odboru dostavlja biracki materijal ?**

Član 5.3

(1) Općinska izborna komisija, u skladu s uputstvom Centralne izborne komisije BiH, a najkasnije 12 sati prije otvaranja biračkih mjesta na dan izbora, dostavlja biračkom odboru birački materijal, uključujući odgovarajući broj glasačkih kutija, glasačkih listića i kandidatskih listi, izvod iz Centralnog biračkog spiska za određeno biračko mjesto i obrazac zapisnika o radu biračkog odbora o čemu se sačinjava zapisnik koji potpisuju svi članovi biračkog odbora.


**10. U kojem roku je OIK duzna da razmotri prigovor i donese adekvatnu odluku ?**

Član 6.4

(2) Općinska izborna komisija dužna je da razmotri prigovor i da donese odluku u roku od 48 sati nakon isteka roka utvrđenog članom 6.3. stav (2) ovog Zakona. Općinska izborna komisija dužna je da o svojoj odluci odmah obavijesti podnosioca prigovora, kao i druge strane. Prilikom rješavanja prigovora, općinska izborna komisija može postupati na osnovu utvrđenih činjenica ili održavati rasprave.

Napomena : Pitanja od broja 3 do broja 10 su iz Izbornog zakona BiH !

Predsjednik Komisije za izbor i imenovanje



Bradarić Mirza, prof.



Na osnovu člana 2.12. i 2.4. Izbornog zakona Bosne i Hercegovine («Službeni glasnik BiH», broj: 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i Uputstva o utvrđivanju kvalifikacija, broja i imenovanju i razrješenju i obuci članova izborne komisije osnovne izborne jedinice u Bosni i Hercegovini broj: 05-1-02-2-914-1/17 od 02.08.2017.godine i Uputstvo o izmjenama i dopunama Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini broj: 05-1-02-2-76/1/18 od 15.01.2018.godine, a nakon provedenog Javnog oglasa za popunu tri člana Općinske izborne komisije Maglaj broj: 02-05-1-504/18 od 18.04.2018.godine, Općinsko vijeće Maglaj, na sjednici održanoj dana 07.05.2018. godine, donosi

**ODLUKU**  
**o imenovanju predsjednika i članova Općinske izborne komisije**

**Član 1.**

Za predsjednika i članove Općinske izborne komisije imenuju se:

1. \_\_\_\_\_, predsjednik
2. \_\_\_\_\_, član
3. \_\_\_\_\_, član

**Član 2.**

Na osnovu ove Odluke o imenovanju tražit će se saglasnost Centralne izborne komisije BiH, shodno članu 2.12. stav (5). Izbornog zakona.

Imenovani iz člana 1. ove Odluke se imenuje na rok od 7 godina nakon dobijanja saglasnosti od Centralne izborne komisije.

**Član 3.**

Ova Odluka će biti dostavljena Centralnoj izbornoj komisiji BiH na davanje saglasnosti na imenovanje.

**Član 4.**

Nakon dobijenog Rješenja o dobijanju saglasnosti Centralne izborne komisije BiH, i ova Odluka će biti objavljeni u «Službenim novinama Općine Maglaj».

Broj: 02-05-1- \_\_\_\_/'18  
Maglaj, 07.05.2018.godine

PREDSJEDAVAJUĆA

Svjetlana Zamboni

## O b r a z l o ž e n j e uz Odluku

### **Pravni osnov**

Pravni osnov za donošenje ove Odluke sadržan je u članu 2.12. i 2.4. Izbornog zakona Bosne i Hercegovine.

### **Razlozi donošenja**

U skladu sa Izbornim zakonom Bosne i Hercegovine, članove Općinske izborne komisije imenuje Općinsko vijeće a saglasnost na takvu odluku daje Centralna izborna komisija Bosne i Hercegovine.

Obzirom da su član i predsjednik Općinske izborne komisije gospođa Tatjana-Hamzić-Tovarišić i gospodin Mustabašić Elmir podnijeli ostavke prije isteka mandata, Općinsko vijeće je donijelo Odluku o prihvatanju ostavki na sjednici održanoj dana 27.02.2018.godine. Na istoj sjednici Općinsko vijeće Maglaj je donijelo Odluku o objavljivanju javnog oglasa za imenovanje članova i predsjednika Općinske izborne komisije broj: 02-05-1-502/18. Odluke o prihvatanju ostavke člana i predsjednika Općinske izborne komisije su dostavljene Centralnoj izbornoj komisiji BiH na davanje saglasnosti. Dana 29.03.2018. godine Centralna izborna komisija je donijela Rješenje broj: 06-1-07-1-19/18, kojim nije data saglasnost na Rješenje Općinskog vijeća Maglaj broj: 02-05-1-501/18 od 27.02.2018.godine. Član i predsjednik Općinske izborne komisije Maglaj su na to rješenje izjavili žalbu u ostavljeno roku, nakon čega je Centralna izborna komisija prihvatila ostavke.

Dana 26.04.2018.godine Općinsko vijeće Maglaj je donijelo Odluku o razrješenju člana Općinske izborne komisije Maglaj, zbog isteka mandata članu Antolović Dragici. Ista Odluka je dostavljena Centralnoj izbornoj komisiji na davanje saglasnosti.

Općinsko vijeće Maglaj je raspisalo Javni oglas za popunu tri člana Općinske izborne komisije dana 18.04.2018.godine.

Na raspisani Javni oglas prijavilo se pet kandidata. Komisija za izbor i imenovanje održala je sastanak 30.04.2018.godine i konstatovala da svi kandidati ispunjavaju uslove Javnog oglasa. (Zapisnik u prilogu).

Intervju sa kandidatima koji ispunjavaju uslove održan je dana 04.05.2018.godine u 14,00 sati. Kandidat Josip Maglica nije pristupio intervjuu, nakon čega je Komisija za izbor i imenovanje sačinila i rang listu kandidata, kako slijedi:

1. Armin Bašić, diplomirani pravnik;
2. Tea Zamboni, diplomirani pravnik;
3. Mario Ninković, profesor sporta i tjelesnog odgoja;
4. Martina Sičanica, diplomirani ekonomista.

### **Obrazloženje pojedinih odredbi**

U članu 1. ove Odluke predlaže se imenovanje predsjednika i članova Općinske izborne komisije.

U članu 2. odluke navodi se da će se ova odluka proslijediti Centralnoj izbornoj komisiji a shodno članu 2.12.Izbornog zakona BiH.

Član Općinske izborne komisije se na temelju Izbornog zakona imenuje na period od 7 godina od dana dobijanja saglasnosti Centralne izborne komisije.

### **Finansijska sredstva**

Za realizaciju ove odluke planirana su finansijska sredstva u Budžetu Općine Maglaj.

PREDSJEDAVAJUĆA  
Svjetlana Zamboni